



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 54. Bulla contra Græcos Sacræ Sedi subjectos.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI A. C. 1564. cima octava Januarii declarabat Pontifex, quod Abbates, Prælati, ac Canonici Regulares superpellicium, ut vocant, induti in supplicationibus, omnibusque aliis solemnitatibus publicis, ac particularibus præcederent, eosque Benedictini sequerentur, in aliis autem occasionibus, veluti in Conciliis, aliisque congressibus, ubi utriusque Ordinis Abbates suffragandi jure fruuntur, præcedendi, ac suffragia ferendi jus eis competat, juxta suæ inaugurationis, seu ad Abbatias electionis factæ antiquitatem.

§. LIV.

Bulla contra Græcos Sacræ Sedis subiectos.

*Ciacan. l. c.
Bull. veter.
edit. Const.
74. :*

Die decima octava Februarii Pontifex diploma edidit circa Græcos, qui in Sicilia citra, & ultra Pharum Messinensem, aliisque in civitatibus degebant, hi enim numero sat frequentes indulgente sacra Sede Ecclesiæ Græcæ mores, ritusque sub proprio Nationis suæ Episcopo observabant: cum vero in plures perniciosos errores prolaberentur, imo etiam Purgatorium, Romani Pontificis auctoritatem, indulgentiarum ab ipso concessarum, & censurarum latarum valorem, Sanctissimæ Virginis, Apostolorum, aliorumque Sanctorum festivi-

ffivitatum observationem negarent, Sanctissimum Eucharistiæ Sacramentum suis infantibus in Baptismo exhiberent, cadavera defunctorum superstitione quadam impia e sepulcris eruentes igne comburerent, Ordinariorum visitationes, jurisdictionemque detrectarent, atque his, aliisque sacrilegis opinionibus Latinos inficerent, hinc Pius ejusmodi scandalis providere studens, Constitutionem edidit, in qua omnes illorum exemptiones respectu Ordinariorum revocans, cunctos tam laicos, quam cujuscunque generis, aut dignitatis Ecclesiasticos, & Monachos Ordinariis Latinis subjecit in omnibus, quæ Dei cultum, Sacramentorum administrationem, animarum curam, hæresumque extirpationem concernerent, reliquis ipsorum Græcorum in divinis celebrandis, aliisque ritibus a Sede Apostolica approbatis, intactis remanentibus.

Sæcul. XVI.
A.C. 1564.

§. LV.

Regis Lusitani epistola ad Papam circa Synodi confirmationem.

Editis hisce decretis summus Pontifex totus in eo erat, ut Concilii Tridentini decreta in variis Regnis, ac conditionibus, ubi Religio Catholica vigebat, reciperentur: inter omnes autem Principi-

*Pallav. c. 9.
n. 19.*